

In qua hi Comitatus, *VVarwicum, Northantonia, Huntingdonia, Cantabrigia, Suffolcia, Oxonium, Buckinghamia, Bedfordia, Hertfordia, Essexia, Bercheria, Middelsexia, Southantonia, Surria, Cantium & Southsexia, cum Insula VVight.*

VVarwicum.

Situs.

Soli qualitas.

Opida.

Northantonia.

Situs.

Soli fertilitas.

Urbs & Opida.

Flumina.

Huntingdonia.

Situs.

Soli fertilitas.

Opida.

Flumina.

Cantabrigia.

Situs.

Soli qualitas.

Urbs & opida.

Flumina.

Suffolcia.

Situs.

Soli fertilitas.

Opida.

IN VI. Angliæ Tabula *VVarwicensis* pagus Anglis *VVarwicksire*, ab Ortu Leicestria & via militari, ab Austro Oxonia & Glocestria, ab Occasu Vigornia, & a Septentrione Staffordia finitus, qui in duas distinguitur partes, *Feldon* scilicet & *VWoodland*, i. in regionem campestre & nemorosam. Præcipuum totius agri opidum *VVarwicke*. Sunt præterea *Leamington, Vchindon, Harbury, Mancester, Coventry, Stratford* & alia; continenturque in Comitatu Parochiales ecclesiæ 158. Flumina, *Avona, Leamus, Arrov, Al-* nus. Sequitur ager *Northantonensis* vulgo *Northamptonshire*, qui ab Occasu brumali qua latior est, sensim contrahendo in Ortum æstivalem protenditur. Ab Ortu *Bedfordienses*, & *Huntingdonenses*, ab Austro *Be-* chinghamienses & *Oxonien-*ses, ab Occasu *VVarwicensis*, & a Septentrione *Leicestren-*ses, *Rotelanden-*ses, *Lincolnienses* *VVellando* flumine discriminati sedent. Campestris regio est, soli admodum diris, sive arva sive pascua respicias. Urbs hujus agri *Northampton*; Opida *Brakeley, Torcester, Grafton, Davenrey, VVeldon, Higham, Oundale, Peterborov, VVelledon*. Atque ad hunc agrum Parochiæ 36 pertinent. Flumina *Avona, VVellandus*. Tertium locum tenet *Huntingdonia* vulgo *Huntingdonshire* eo situ locata, ut ab Austro *Bedfordienses*, ab Occasu *Northantonenses*, ut etiam a Septentrione, qua *Avona* flu. dirimitur, & ab Ortu *Cantabrigienses* spectet. Regio lementi satis apta, pascendo pecori, ad Ortum qua palustris est, uberrima ubique fere collium apricitate, & nemorum opacitate amœna. Præcipuum totius Comitatus Opidū *Huntingdonia*, cui & nomen dedit tam situs fulgore quam sui decore. Sunt & *S. Ives, S. Needes & Cunnington*: Parochiæque 78 in hac regiuncula numerantur. Flumen *Usa*, quem sæpe dixi eam alluit, & *Avona*. Quartum in locum venit ager *Cantabrigiensis* vulgo *Cambridgeshire*, qui in Aquilonem productus *Norfolciæ* & *Suffolciæ* objacet. Meridie Orientalibus *Saxonibus* & *Hertfordensibus*, ab Occasu *Huntingdonensibus*, a Septentrione *Lincolniensibus* & *Ousa* flumine, qui ab Occasu in Ortum transversum intersecat, in duas partes dispartitus. Inferior & Australis magis culta, magis confita, ideoque latior, non perlibrata planitie, sed exigue plana, pluviosa, imo rota (nisi qua *Crocum* copiose progignit) frumentariis jacet campis, hordeumque laudatissimum affatim effundit. Vltior & Septentrionalis pars, pascuis uberrimis perviridis & læta. Urbs in hoc Comitatu *Cantabrigia* Angliæ Academia, imo Sol & oculus, clarissimaque bonarum literarum & pietatis officina. Camus sedens. Sunt præterea *Roiston, Rech, Burvvel, Elye*. Parochiæque 163 in hoc Comitatu continentur. Fluvii *Camus & Sturus*. *Suffolcia* sequitur ab Occasu habens *Cantabrigienses*, & Austro *Stourum* fluvium qui ab *Essexia* dividit, ab Ortu Oceanum Germanicum, a Septentrione duos fluviolos *Ouse minimum*, & *VVaveney* qui ex eodem quasi fonte in diversa fluentes, a *Norfolciæ* determinant. Regio satis ampla, solo nil ad Orientem, admodum pingui, utpote ex argilla & marga composita, unde lætissima ubique arva, & uberrima saginando pecori pascua, caseique magno numero conficiuntur. Est hic *Sudbury* id est Australis Burgum. Sunt & hæc opida *Ixinng, S. Edmundsbry, Bretenham, Hadley, Ipswich, Debenhamia, Oreford*, & alia plurima.